

Elim deb, yurtim deb yonib yashash kerak!

# Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2013-yil 5-dekabr, payshanba № 96 (15734)

Ўзбекистон Республикаси Президентининг ФАРМОНИ

## ЮҚОРИ НАТИЖАЛАРГА ЭРИШГАН БИР ГУРУХ ИҚТИДОРЛИ ЁШЛАРНИ МУКОФОТЛАШ ТЎҒРИСИДА

Мамлакатимизнинг халқаро майдондаги обрў-эътибори ва нуфузини оширишга қўшган салмоқли ҳиссаси, профессионал маҳорати ва ёрқин истеъдоди билан спорт соҳасида юқори натижаларга эришгани учун қуйидагиларга фахрий унвонлар берилсин:

### «ЎЗБЕКИСТОН ИФТИХОРИ»

**Махсталиев Аббосбек Муҳаммадалиевич** — Тошкент шаҳри «Пахтакор» профессионал футбол клуби аъзоси

**Мўминова Нафиса Алишеровна** — Шахмат бўйича Ўзбекистон миллий терма жамоаси аъзоси

### «ЎЗБЕКИСТОН РЕСПУБЛИКАСИДА ХИЗМАТ КЎРСАТГАН СПОРТЧИ»

**Истомин Денис Олегович** — Теннис бўйича Ўзбекистон миллий терма жамоаси аъзоси

**Санокүлова Замиражон Бахтиёржоновна** — Бадий гимнастика бўйича Ўзбекистон миллий терма жамоаси аъзоси

**Фармонов Мирзохид Шухратович** — Дзюдо бўйича Ўзбекистон миллий терма жамоаси аъзоси

**Халмуратов Мураджан Юлдашевич** — Велоспорт бўйича Ўзбекистон миллий терма жамоаси аъзоси

**Самарали меҳнати, ташаббускорлиги ва алоҳида ютуқлари билан Ватанимиз мустақиллигини мустаҳкамлаш, унинг иқтисодий ва маънавий-маърифий салоҳиятини юксалтириш, миллий манфаатларимизни ҳимоя қилиш ва тинчликни таъминлашга қўшган муносиб ҳиссаси ҳамда жамоат ишларидаги фаол иштироки учун қуйидагилар мукофотлансин:**

### «ДЎСТЛИК» ОРДЕНИ БИЛАН

**Утемуратов Рустем Муратбаевич** — Қорақалпоғистон Республикаси Шуманай туманидаги 16-умумий ўрта таълим мактабининг информатика фани ўқитувчиси

### «ЖАСОРАТ» МЕДАЛИ БИЛАН

**Исмоилов Ойбек Валижонович** — Сирдарё вилояти Гулистон шаҳридаги «Дўстлик» маҳалла фуқаролар йиғинининг «Маҳалла посбони» жамоат тузилмаси посбони

**Йўлдашев Шерали Саффарович** — Жиззах вилояти Жиззах туманидаги «Қўшбармоқ» маҳалла фуқаролар йиғинининг «Маҳалла посбони» жамоат тузилмаси раҳбари

**Талипов Бахтиёр Ходжимуратович** — Тошкент шаҳар Мирзо Улуғбек тумани ички ишлар бошқармаси профилактика катта инспектори

**Худайкулов Эркин Эшимович** — Ўзбекистон Республикаси Миллий хавфсизлик хизмати Давлат чегараларини ҳимоя қилиш кўмитасининг Чегара қўшинлари минтақавий штаби чегара райони назоратчиси

(Давоми 2-саҳифада)



Сардор Муллажонов фотокўллажи

## ВАТАН ИШОНЧИ БИЗЛАРГА ҚАНОТ

Ўзбекистон Республикаси Конституциясининг 21 йиллиги арафасида Президентимизнинг «Юқори натижаларга эришган бир гуруҳ иқтидорли ёшларни мукофотлаш тўғрисида»ги фармонининг эълон қилиниши тенгдошларимиз ҳаётида улкан воқеа бўлди. Мазкур фармонга мувофиқ, мамлакатимиз ижтимоий-иқтисодий фаолиятида фаол иштирок этиб, намуна кўрсатаётган бир гуруҳ иқтидорли ёшларга фахрий унвон ва давлат мукофотлари топширилди. Давлат мукофотлари ва «Ўзбекистон белгиси» кўкрак нишонини топшириш маросими кеча пойтахтимиздаги «Туркистон» саройида бўлиб ўтди.

Ўзбекистон ёшлари ҳақида гапирганда, қалбимиз чинакам фахрга тўлади. Ахир, тўққиз яшар ўзбек боласи жаҳон шахмат тожини юртимизга олиб келса, эндигина ўн тўққиз ёшини қаршилаган ўзбек қизи

халқаро тоифадаги спорт устаси унвонига сазовор бўлса, лицей ўқувчиси энг нуфузли халқаро фан олимпиадаларида олтин медални қўлга киритса ёки бўлмаса, ҳали талаба бўлатуриб ўзбек тилида

бошқарилувчи биринчи универсал роботни яратса, э, бундай йигит-қизларга кимнинг ҳам хаваси келмайди, дейсиз? Бугун улар ўз иқтидори, билими ва тафаккури билан бутун жаҳонни лол қолдириб

келмоқда. Энг муҳими, бу ёшлар ҳур ва мустақил мамлакатда туғилган, таълим олиб, вояга етган навқирон авлод вакиллари дидир.

(Давоми 4-, 5-саҳифаларда)

Ўзбекистон Республикаси Президентининг  
ФАРМОНИ

# ЮҚОРИ НАТИЖАЛАРГА ЭРИШГАН БИР ГУРУХ ИҚТИДОРЛИ ЁШЛАРНИ МУКОФОТЛАШ ТЎҒРИСИДА

(Давоми, аввали  
1-саҳифада)

## «СОДИҚ ХИЗМАТЛАРИ УЧУН» МЕДАЛИ БИЛАН

**Мейлиев Анзор Артиқович** — Ўзбекистон Республикаси Мудофаа вазирлиги ҳарбий қисм гуруҳ командири

## «ШУҲРАТ» МЕДАЛИ БИЛАН

**Абдуллаев Баходиржон Иштиёрович** — Навоий давлат кончилик институти талабаси

**Аскарлов Тохиржон Абдуқаҳор ўғли** — Ўзбекистон давлат консерваторияси хузу-

ридаги иқтидорли болалар академик лицейи ўқувчиси

**Атаджанов Жасурбек Абдушарибович** — «Ўзбектелеком» акциядорлик компаниясининг «Биллинг Телеком» филиали дастурчи-муҳандиси

**Болтаев Бехзодбек Матёқуб ўғли** — Тошкент педиатрия тиббиёт институти қошидаги 1-академик лицей ўқувчиси

**Бурибаев Рустамжан Садикджанович** — «Ўзбекистон ҳаво йўллари» Миллий авиакомпаниясининг Учувчилар мажмуаси «Боинг» ҳаво кемаси иккинчи учувчиси

**Жўраева Феруза Абдурахим қизи** — Сирдарё вилояти Боёвут туманидаги

«Шабнам-нурли замин» фермер хўжалиги бошлиғи

**Ортиқов Мумтоз Тулқинжанович** — «Камолот» ёшлар ижтимоий ҳаракатининг «Бунёдкор» ёшлар телеклуби бош координатори

**Пирнапасов Абдор Толибович** — Ўзбекистон Миллий университети магистранти

**Раҳмонов Хуршидбек Дилмуротович** — Навоий вилояти Қизилтепа туманидаги «Кубаро-Диёр» фермер хўжалиги бошлиғи

**Тахиров Мурат Юлдашевич** — «Ўзбекистон ҳаво йўллари» Миллий авиакомпаниясининг «Uzbekistan airways technics» авиакорхонаси авиатехниги

**Тўйчиев Олимжон Алижонович** — Тошкент шаҳридаги Турин политехника университети талабаси

**Шаробидинов Билолидин Бахтиёр ўғли** — Тошкент тиббиёт академияси талабаси

**Эрманов Орзумурод Шомурадович** — «Ўзбекистон металлургия комбинати» очиқ акциядорлик жамиятининг пўлат эритиш цехи устаси

**Юсупов Баходир Бахтиёр ўғли** — «Камолот» ёшлар ижтимоий ҳаракатининг Қаш-

қадарё вилояти кенгаши матбуот хизмати етакчи мутахассиси

**Юсуфова Мунира Юсуфовна** — Қашқадарё вилояти Қарши туманидаги 8-умумий ўрта таълим мактабининг инглиз тили фани ўқитувчиси

**Юлдашев Акмалходжа Авазходжаевич** — «Ўзбекистон темир йўллари» давлат акциядорлик компаниясининг «Ўзбекистон» локомотив депоси «Afrosiyob» электропоезди машинисти

## Ўзбекистон Республикаси Президенти

Тошкент шаҳри,  
2013 йил 3 декабрь

И.КАРИМОВ

8-декабр — Ўзбекистон Республикаси Конституцияси кuni

# Парламентаризмнинг ёш билимдонлари

Ўзбекистон Республикаси Олий Мажлиси Қонунчилик палатасида Ўзбекистон Республикаси Конституцияси қабул қилинганининг 21 йиллигига бағишланган «Парламентаризм билимдони» мавзусида ёшлар ўртасида ўтказилган анъанавий онлайн-викторина голиблари ва фаол иштирокчилари тақдирланди.

Президентимиз Ислам Каримовнинг «Юсак маънавият — энгилмас куч» асарида ўз ҳақ-ҳуқуқини танийдиган, ўз кучи ва имкониятларига таянадиган, ён-атрофида содир бўлаётган воқеа-ҳодисаларга мустақил ёндаша оладиган, айна замонда шахсий манфаатларини мамлакат ва халқ манфаатлари билан уйғун ҳолда кўрадиган, ҳар жиҳатдан баркамол инсонларни тар-

биялаш вазифаси истиқлол йилларида ҳал қилувчи масалага айлангани алоҳида таъкидланган.

Бу сўзлар баркамол авлодни Ватанга садоқат, миллий қадрият ва анъаналаримизга ҳурмат руҳида тарбиялаш, уларнинг чуқур билим олиши ва касб эгаллаши, мамлакатимиз келажаги учун жавобгарликни ўз зиммасига оладиган юқори малакали мутахассис бўлиб

етишишлари учун барча шарт-шароитлар яратишга қаратилган ёшларга оид миллий сиёсатни ифода этади.

Ўзбекистон Республикаси Олий Мажлиси Қонунчилик палатаси сайтида (parliament.gov.uz) жорий йилнинг май ойида бошланган «Парламентаризм билимдони» викторина танловини ўтказишдан мақсад йигит-қизларнинг ҳуқуқий саводхонлиги ва сиёсий маданиятини янада ошириш, уларга конституциявий ғоялар моҳиятини англашда кўмаклашиш, миллий парламентаризм фаолияти ҳақида тўлиқ ва ишончли ахборот тақдим этишдан иборат бўлди. Викторина танлови Ўзбекистон Республикаси Олий Маж-

лиси Қонунчилик палатаси Ахборот хизмати томонидан БМТ Тараққиёт дастурининг «Ўзбекистонда ижтимоий инновациялар ва кўнгилчилик» лойиҳаси, шунингдек, Халқ таълими вазирлиги, Олий ва ўрта махсус таълим вазирлиги, «Камолот» ёшлар ижтимоий ҳаракати кўмагида ташкил этилди.

Сайтда рўйхатдан ўтган 14 ёшдан 30 ёшгача бўлган иштирокчилар ҳар ҳафта учта саволга жавоб берди ва ҳар бир тўғри жавоб учун бир баллга эга бўлди. Голиблар ва энг фаол иштирокчилар балларни автоматик равишда ҳисоблаш орқали аниқланди. Шуниси эътиборлики, танловда мамлакатимиз-

нинг барча ҳудудларидан олти мингдан зиёд йигит-қиз қатнашди ва бу ўтган йилга нисбатан бир ярим баробар кўпдир. Улар орасидан танлаб олинган 150 нафар энг фаол иштирокчи финал босқичида қатнашди.

— Олган билимларимни синаб кўриш ва дунёқарашимни кенгайтириш имконияти пайдо бўлгани ҳақида билганим захотиёк, сайтда биринчилардан бўлиб рўйхатдан ўтдим, — дейди танлов голиби, Фаргона политехника институти талабаси Абдор Отабоев. — Викторина саволлари турдан турга қийинлашиб борди. Шу боис ўтган тўққиз ой мобайнида кўплаб меъёрий-ҳуқуқий адабиётларни ўқиб, мамлакатимизда рўй бераётган ижтимоий-сиёсий воқеаларни қизиқиш билан ўргандим. Шуниси ишонч билан айтишим мумкинки, викторина танлови ёшларнинг ҳуқуқий саводлари ва фуқаролик фа-

олигини оширишга ёрдам бермоқда, Ватан тақдирига бефарқ бўлмаган фаол ва ташаббускор йигит-қизларни жипслаштирмоқда.

Мамлакатимизда сайловлар ва сайлов тизими, парламент ва депутатлар бирлашмаси фаолияти, унинг таркиби, парламент назоратини тартибга соладиган қонунларга таллуқли танлов саволлари нафақат Ўзбекистон Республикаси Конституцияси, балки Қонунчилик палатасининг қонун ижодкорлиги фаолияти, парламент иши ва Ўзбекистон Республикаси меъёрий-ҳуқуқий ҳужжатларини ўз ичига олди.

Голибларга мукофот ва дипломлар топширилди. Юздан ортиқ балл тўплаган танлов иштирокчилари рағбатлантирувчи мукофотлар билан тақдирланди.

Сардор ТОЖИЕВ,  
ЎЗА мухбири



«Kamolot» ko'zgusi

# Ватан ободлиги диллар шодлиги

Харакатнинг Когон шаҳар кенгаши ташаббуси билан ўтказилаётган «Камолот» — ЭКО!» лойиҳасининг «Обод уйим» шиори остидаги ободонлаштириш ишларининг биринчи босқичи ғолиблари аниқланди.



Тумандаги 2-болалар муҳити ва санъат мактабида бўлиб ўтган мазкур танловнинг тақдирлаш маросимида маданият ва спорт ишлари ҳамда халқ таълими муассасалари фаолиятини методик таъминлаш ва ташкил этиш бўлими вакиллари иштирок этди. Унда Когон шаҳридаги мактабларнинг сардорлар кенгаши аъзолари, жумладан, Раҳима Расулова, Исмоил Насуллаев, Нозигул Баҳриддинова, Но-

зигул Музаффарова, Меҳрангиз Миралиева, Бекзод Эгамбердиев, Мурод Йўлдошев, Меҳринисо Мансурова, Ибодат Қамбарова муносиб тақдирланди.

Тадбирда 5-мактаб ўқувчилари «Камолот» — ЭКО»-да номли саҳна кўринишини намойиш этди. Улар шу орқали «Ораста бўлайлик!» ойлиги давомида бўлиб ўтган воқеаларни жонлантиришга ҳаракат қилишди. 7-мактабнинг

«Ниҳол» рақс жамоаси эса ўзининг «Гул» рақси билан тадбирга ўзгача жозиба бағишлади.

Тадбирда жажжи болакайлар саҳна кўринишларини намойиш этишди, рақс тушишди. Тасвирий ва амалий санъат кўргазмалари ташкил қилинди. Кичкинтойларнинг атроф-муҳитга муносабатлари, катта муаммоларга қарашлари кўргазмаларда намойиш этилган суратлар ва турли хил ижодий

ишларда яна бир бор ўз аксини топди.

Тадбир сўнггида «Табиати асрайлик!» шиори остидаги тасвирий санъат кўргазмаси ғолиблари Зарина Ашурова, Саид Йўлдошев, Сардор Сафаров ҳамда Жавохир Аҳматуллаев Харакат туман кенгашининг диплом ва эсдалик совғалари билан тақдирланди.

**Лайло ХАЙИТОВА,**  
**«Turkiston» мухбири**

## Спортни танлаймиз, иллатларга қаршимиз

«Камолот» ЁИХ Чилонзор тумани кенгаши «1 декабрь — Бутунжаҳон ОИТСга қарши кураш куни» муносабати билан «Иллатларга қарши, ёшлар, бирлашиб курашамиз» лойиҳаси доирасида югуриш марафонини ўтказди. Унда тумандаги барча мактаб ва ўрта махсус таълим муассасалари ўқувчилари қатнашди.

— Биз вояга етмаган ёшларнинг бир кунини мазмунли ўтказишига ҳисса қўшаётганимиздан хурсандмиз, — дейди Чилонзор тумани «Камалак» болалар ташкилоти раиси Бекзод Каримов. — Қатнашчиларнинг спортга қизиқиши, интилишлари бизни ҳайратлантирди. Демак, улар соғлом турмуш тарафдори.

Мусобақада турли ёш тоифалари бўйича совриндорлар тақдирланди. Ўн тўрт ёшли қиз ва ўғил болалар ўртасида олтин метр масофага югуришда тумандаги 79-мактаб ўқувчилари Кристина Фирсова ҳамда Салим Холмухаммедов биринчи ўринни қўлга киритди. 217-мактаб ўқувчиси Шаҳзод Озодов эса ўн беш ёшли марафончилар ичида ўзининг тенгсиз эканини исботлади ва финишга биринчи бўлиб етиб келди.

Ўн етти ёшли қизлар ўртасида беш юз метрга югуриш бўйича ғолиблар номи маълум бўлди. Унда Оқтепа педагогика коллежи ўқувчиси Дилбар Шермухамедова биринчи ўринни қўлга киритди. Қолган иштирокчилар эса фаол қатнашганлиги учун Харакатнинг фахрий ёрлиқ ва совғалари билан тақдирланди.

— Мусобақада ўн олти ёшли марафончилар ўртасида фахрли ўринни эгалладим. Бир кунимни спортга бағишлаганимдан хурсандман, — дейди 101-мактаб ўқувчиси Санжар Азизов.

Ҳа, Санжар таъкидлаганидек, югуриш марафони ёшларни спорт орқали бирлаштирди.

**Баҳодир ЗИЎВИДДИНОВ**

Harakat sadosi

«Камолот» ёшлар ижтимоий ҳаракати Учкўприк тумани кенгаши «Биз, ёшлар гиёҳвандликка қаршимиз» шиори остида расмлар кўргазмасини ўтказди.

## Ранглар оламига саёҳат

Унда тумандаги мактаб ўқувчилари ҳамда маҳаллалардан 300 нафарга яқин ёш ҳаваскор рассомнинг картиналари намойиш этилди. Она-Ватан, табиат, истиқлол манзаралари тасвирланган ранг-баранг расмлар кўпчиликда катта таассурот қолдирди.

Ўз асарлари билан фаол иштирок этганларга диплом ва совғалар топширилди.

**Ботир ШОКИРОВ,**  
**«Камолот» ЁИХ Учкўприк тумани кенгаши раиси ўринбосари**

## Ўқишда, меҳнатда, мақсадда елкадошмиз

Сирдарё вилоят ахборот-ресурс марказида 3 декабрь — Халқаро ногиронлар кунига бағишлаб «Сен ёлғиз эмассан!» мавзуида тадбир бўлиб ўтди. «Камолот» ёшлар ижтимоий ҳаракати Сирдарё вилояти кенгаши ташаббуси билан ташкил этилган тадбир давомида бир гуруҳ иқтидорли, фаол тенгдошларимиз Гулистон шаҳрида истиқомат қилувчи имконияти чекланган ёшлар хонадонларида бўлишди.

У ерда тенгдошларининг қизиқишлари, келажакдаги орзу-мақсадлари билан танишиб, уларга Харакатнинг эсдалик совғалари ҳамда Сирдарё вилоят ахборот-ресурс маркази совғасифатида тақдим этган китобларни топширди. Кўзлари қувончдан порлаб турган бу ёшларнинг орзулари, қизиқишлари, ҳаётга бўлган интилишини кўриб кўнгли тўлади кишининг. Улар ўз имконияти доирасида кўплаб ишларни қилишга қодир. Фақатгина қизиқишлари билан ўртоқлашишимиз, ор-

зуларини амалга оширишга кўмаклашишимиз зарур.

Бугун мамлакатимизда ногиронларга қаратилган эътибор, уларнинг маънавий, интеллектуал салоҳиятини юксалтириш, ижодий фаоллигини қўллаб-қувватлаш мақсадида кўплаб ишлар амалга оширилмоқда. Мазкур тадбир ҳам олиб борилаётган ишлардан бир намуна бўлди.

**Максуда ЖЎРАҚУЛОВА,**  
**Сирдарё вилояти**



**КАМОЛОТ**

# ВАТАН ИШОНЧИ БИЗЛАРГА ҚАНОТ



**Аббосбек МАХСТАЛИЕВ,**  
«Ўзбекистон ифтихори»,  
фахрий унвони соҳиби,  
«Пахтакор» профессионал  
футбол клуби аъзоси:

— Болалигимдан футболга қизиқардим, қишлоғимиздаги стадионда ўртоқларим билан футбол ўйнаб катта бўлганман. Хар гал маҳалладаги уч ўртоғим билан: «Бизнинг қишлоқларда ҳам янги стадионлар қурилармикан?» деган сўзларни дилдан ўтказар эдик, замонавий стадионларни орзу қилардик. Бугун Сирдарёда ҳам замонавий стадионлар қурилди. Очиғини айтишим керак, ўша уч ўртоқнинг нафақат юртимиздаги замонавий стадионларда, балки дунёнинг манаман деган ўйингоҳларида тўп суриш орзуси амалга ошди. Икки маротаба жаҳон чемпионатида қатнашдим. Бу йил Туркияда футбол бўйича ёшлар ўртасида бўлиб ўтган жаҳон чемпионатида қатнашиб, чорак финалгача етиб бордик. Жаҳоннинг энг катта стадионларидаги ўйинлардан сўнг жамоадошларимиз билан бизда ҳам шундай замонавий стадионлар бўлишини орзу қилган вақтларимиз кўп бўлган. Мана, Президентимизнинг ғамхўрлиги боис, бу орзуимиз ҳам амалга ошди. Бугун «Бунёдкор» стадиони хорижий футболчиларнинг ҳам ҳавасини келтирляпти.

Юртбошимиз ишончига муносиб жавоб қайтариш навбати энди бизники, биз яқин йилларда жаҳон чемпиони бўлиш учун бор кучимизни ишга солаемиз.

**(Давоми,  
аввали 1-саҳифада)**

Юртимизда ёшлар учун алоҳида мукофот таъсис этилган. Бу — «Ўзбекистон белгиси» кўкрак нишонидир. Президентимизнинг махсус фармони асосида 2003 йилдан буён маънавий мукофот билан маънавият, маданий мерос ва умуминсоний қадриятлар негизида юксак ватанпарварлик, халқпарварлик, фидоийлик туйғусини ва меҳнатсеварлик фазилатларини ўзида мужассамлаштирган, Ватанимиз обрўси, шон-шухрати ва шарафини юксалтиришига ҳамда унинг халқро нуфузини оширишига қўлаётган фаол ва иқтидорли ёшлар тақдирланади. Эътиборлиси, «Ўзбекистон белгиси» кўкрак нишони хар йили ўз эгаларига республикамиздаги энг йирик ва нуфузли ёшлар ташкилоти — «Камолот» ёшлар ижтимоий ҳаракати томонидан топширилади.

Бугунга қадар «Ўзбекистон белгиси» кўкрак нишонига жами 382 нафар ёш сазовор бўлди. Жорий йилда ушбу мукофот билан яна 27 нафар ёш тақдирланди. Улар илм-фан, маданият, таълим, соғлиқни сақлаш, санъат, журналистика, спорт, қишлоқ хўжалиги, кичик бизнес, ҳуқуқ ва харбий соҳаларда фаолият кўрсатиб, юксак ютуқларни қўлга киритган ва шу орқали тенгдошларига ибрат кўрсатаётган йигит-қизлардир.

Бу давлатимиз томонидан ёшларга билдирилган юксак ишончининг ягона намунаси эмас. Юқорида таъкидланган Ўзбекистон Республикаси Президентининг «Юқори натижаларга эришган бир гуруҳ иқтидорли ёшларни мукофотлаш тўғрисида»-ги фармонида кўра, бир гуруҳ ёшлар «Ўзбекистон ифтихори», «Ўзбекистон Республикасида хизмат кўрсатган спортчи» унвони, «Дўстлик» ордени, «Жасорат», «Содиқ хизматлари учун» ҳамда «Шухрат» медали билан тақдирланди. Ўзбекистон ёшлари ўзининг истеъод ва қобилиятлари, интилишлари ва меҳнатлари ҳаммиша эътиборда эканини, қаерда ва қайси соҳада бўлишмасин, ортларида уларни севувчи, ғамхўрлик қилувчи, ишонувчи, ҳаммиса қўллаб-қувватловчи Ватан борлигини яна бир қарра ҳис қилти томонидан топширилади.

«Бугун ёшларимиз ҳал қилувчи куч бўлиб ҳаётга киряпти. Мен бу ёшларга ўзимга ишонгандек ишонман», деб таъкидлаган эди давлатимиз раҳбари. Турли соҳаларда катта ютуқларни қўлга киритиб, Ватанимиз тараққиётига салмоқли ҳисса қўшаётган юртимизда қанчадан-қанча ёшлар Юртбошимиз таъбири билан айтилгандек, юксак ишонч ва ғамхўрликка муносиб, албатта! Уларнинг ғайрати, ҳаракат ва интилишлари

эса шунга яраша.

Конституцияимизнинг 21 йиллиги арафасида давлат мукофотлари ҳамда «Ўзбекистон белгиси» кўкрак нишони билан тақдирланган ёшлар пойтахтимиздаги «Туркистон» саройида тўпланди. Мукофотларни топшириш маросимида давлат ва жамоат арбоблари, вазирилик, идора ва муассасалар раҳбарлари, «Камолот» ёшлар ижтимоий ҳаракати етакчи ва фаоллари, жамоатчилик вакиллари иштирок этди.

Саҳнага бирма-бир кўтарилган мукофот соҳибларининг нигоҳида кучли ҳаяжон ва чуқур миннатдорлик ҳислари мужжасам. Бўлмасачи, ахир, ҳали жудаям навқирон ёшда давлат мукофоти сазовор бўлишни улардан ҳеч бири кутмаган бўларди. Шунга қарамай, ўша ҳаяжонли онларда ёшлар қалбида отилиб чиққан дил сўзлари истисносиз хар бир кишининг қалбини тўлқинлантириб юборганди. «Мен эндигина 19 ёшни қаршиладим. Шу ёшимда давлат мукофоти сазовор бўлишдан бағоят бахтиёрман!» Бадий гимнастика бўйича Ўзбекистон миллий терма жамоаси аъзоси Замирагон Санюкованинг биргина шу сўзлари бутун зални олқишга тўлдирди. Кўплаб халқро турнирларда, кўкрак нишон билан айтилгандек, юксак ишонч ва ғамхўрликка муносиб, албатта! Уларнинг ғайрати, ҳаракат ва интилишлари

атиғи ўн тўққиз ёшида «Ўзбекистон Республикасида хизмат кўрсатган спортчи» унвонига сазовор бўлди.

Саҳнада Ўзбекистон халқ артисти Озодбек Назарбеков. Эл суйган санъаткорнинг ёшларга ҳавас қилиб айтган сўзлари янада таъсирлидир: «Кун-кеча фарзандларимга юртимизда бир талаба ўзбек тилида бошқариш робот яратганини айтиб бергандим. Улар қизиқиб эшитишди. Бугун эрталаб қарасам, қизим қоздан робот ясаб столимга қўйибди. Саҳнада турган мана бу ёшларни мен замонавий қаҳрамонларим, деб атаган бўлардим. Чунки уларнинг қилаётган ишлари, изланиш ва ютуқлари кўплар учун ўрнак бўляпти». Озодбек Назарбеков назарда тутган ёш иxtироси Тошкент шаҳридаги Турин политехника университети талабаси Олимжон Тўйчиевдир. Хозирда у робототехника йўналишида илмий изланишлар олиб борапти. Айнан Олимжоннинг инновацион ғояси асосида юртимизда илк бор универсал роботни бошқариш имкониятини берадиган дастурий таъминот ўзбек тилида ишлаб чиқилди. Бундай роботлардан машинасозлик ва автомобилсозлик, тоғ-кон саноати, фавқулодда вазиятлар соҳаларида фойдаланиш мумкин. Тенгдо-

шимизнинг илмий салоҳияти юксак баҳоланиб, у «Шухрат» медалига муносиб деб топилди. Тақдирлаш маросимида сўзга чиққан ёшлар давлатимиз раҳбарига юртимизда ёшлар камолоти йўлида кўрсатаётган доимий эътибори ва ғамхўрлиги учун миннатдорлик билдириб, Ватанимиз равнақи ва халқимиз фаровонлиги йўлида астойдил хизмат қилишларини таъкидлашди.

Мақтаб ўқитувчиларидан тортиб замонавий русумдаги авиалайнер пилотлари, юқори тезликда ҳаракатланувчи электропоезд машинасларию дастурчи-муҳандислар, цех усталари ва харбийлар, маҳоратли спортчилар ва ёш олимлар, лицей ўқувчилари... Бу йил давлат мукофотлари ва «Ўзбекистон белгиси» кўкрак нишони билан тақдирланган ёшлар қонтигентини ана шундай турфа соҳа вакиллари ташкил қилди. Бугун уларнинг кўксига таққилган орден ва медаллар, берилган унвон ва кўрсатилган эътибор келгуси муваффақиятлари учун асос бўлса, ажаб эмас.

Тақдирлаш маросими ёш ижрочилар ва санъат усталари иштирокидаги концерт дастури билан якунланди.

Тадбирдан сўнг мукофотланган ёшлар Мустақиллик майдонидаги Мустақиллик ва эзгулик монументига гулчамбар қўйишди.



**Дилноза МАМАДАЛИЕВА,**  
«Ўзбекистон белгиси»  
кўкрак нишони соҳиби,  
«Yoshlar» телерадиоканали  
қошидаги «Bo'lajon» теле-  
каналининг чет тиллари  
ўргатувчи махсус теледас-  
турлар студияси 1-тоифа-  
ли муҳаррири:

— Халқимизда тил билган эл билади, деган нақл бор. Шу боис болалигимдан хорижий тилларни ўрганишга астойдил киришдим. Интилишларим самара берди. Бугун ўз касбини севган инсон сифатида айта оламанки, хар бир ишга меҳр берилса, кунт билан меҳнат қилинса, бир кун келиб, албатта, муваффақиятларга эришиш мумкин.

Бугун бочча ва мактабданок ёшлар дунё тилларида эркин сўзлашмоқдалар. Академик лицей ва касб-ҳунар коллежлари ўқувчилари ҳам тил ўрганиб, жаҳоннинг нуфузли олий ўқув юртиларида таҳсил олиши оdatий ҳолга айланди. Тил билиш учун алоҳида иқтидор бўлиши керак, деганлар янгилашди. Мен ҳам тилни ҳаммага ўқшаб, алифбони ўрганишдан бошлаганман. Бугун эса Ўзбекистон Миллий телерадиокомпаниясида инглиз тилидаги дастурларга маълумфилик қиламан.

«Ўзбекистон белгиси» кўкрак нишони мени юртимиз истиқболи учун янада кўпроқ меҳнат қилишга ундайди. Бу даражага етишишим учун имконият ва шароит яратиб берган давлатимизга, ота-онам ва устозларимга ўз миннатдорлигимни билдираман.



**Анзор МЕЙЛИЕВ,**  
«Содиқ хизматлари  
учун» медали соҳиби,  
Мудофаа вазирилик  
қарашли харбий  
кисм муҳандислик  
гуруҳи командири:

— Шу кунгача давлат мукофоти сазовор бўлган тенгдошларимга катта ҳавас билан қарардим. Бугун шундай юксак унвон билан тақдирланганим эса хурматли Президентимиз — Куролли Кучлар Олий Бош Қўмондонининг, халқимизнинг менга бўлган юксак ишончи, деб ўйлайман.

Болалигимдан харбий бўлишни, Ватанимизнинг, халқимизнинг тинчлигини таъминлашга ҳисса қўлишни орзу қилганман. Президентимизнинг харбий қисмларда бўлиб, аскарлар ва офицерлар билан дилдан сўбатлашганларини, аскарларнинг қўлларини қаттиқ қисиб, уларга матонат, ирода тилаганларини телеэкран орқали кўриб, болаликдаги орзум катъий мақсадга айланди. Уч йил аввал Тошкент олий умумқўшин қўмондонлик билим юртини тугатдим, ҳозирда гуруҳ командириман. Гуруҳимиз ўтган йили Ўзбекистон Қуролли Кучлари миқёсида ўтказилган танловда биринчи ўринни эгаллади. Харбий қисимизда ўтказиб келинаётган оммавий спорт мусобақаларида эса бир неча йиллардан буён етакчилик қилиб келмоқдамиз. Қўмондонлик томонидан гуруҳимизнинг бир неча бор рағбатлантирилгани эса бизнинг, яъни сафдошларимнинг харбий, маънавий-маърифий тайёргарлиги юқори эканини тасдиқлайди.

— Мен мустақил диёрда туғилиб, замонавий таълим даргоҳларида ўқидим ва ўзим хоҳлаган касбни эгалладим. Бугун фермерман! Мамлакатимизда фермерлиқни ривожлантиришга алоҳида эътибор қаратилиб, рағбатлантирилмоқда. Натижада қишлоқ хўжалигининг турли тармоқларида ер тилини биладиган уста деҳқон ва миришкорлар фаолият кўрсатмоқда. Асосийси, деҳқоннинг меҳнати юксак қадрланиб, эътиборланмоқда. Мен ҳам 2009 йилда унвондорлиги паст бўлган саксон гектар ерни ўзлаштириб, фермер хўжалигимиз фаолиятини йўлга қўйдим. Хар йили пахта ва галла бўйича давлат шартномавий режасини 110-120 фоизга бажариб келаяпман. Президентимиз таъкидлаганларидек, кўп тармоқли фермер хўжалигини йўлга қўйиб, балиқчилик, чорвачилик, паррандачилик билан ҳам шуғулланаёпман. 2011 йилда фермер хўжалиги ҳудудида чорвачилик фермасини ташкил этдим. Йилга икки юз тонна сўт ва ўн олти тоннадан зиёд гўшт маҳсулотларини етиштиряпмиз. Жорий йилда гўштни қайта ишлаш цехини ташкил этиб, кунига беш юз килограмм гўшт маҳсулотларини ишлаб чиқармоқдамиз. Бугунги кунда фермер хўжалигида қирқ нафар ишчи бўлиб, улардан йигирма нафари касб-ҳунар коллежлари битирувчиларидир.

Бу мукофотдан сўнг янада ғайрат билан меҳнат қиламан, етиштиряётган маҳсулотларим орқали эса халқимиз дастурхони тўкин бўлишига ҳисса қўшаман!



**Камолитдин ЗАЙДОВ,**  
«Ўзбекистон белгиси»  
кўкрак нишони соҳиби,  
«Ўзбекистон темир  
йўллари» ДАК «Afrosiyob»  
юқори тезликда харакат-  
ланувчи йўловчи электро-  
поезди машинисти:

**Наргиза УМАРОВА, Рустам ЮСУПОВ,**  
«Turkiston» муҳбирлари.

Сардор Муллажонов, Носир Хайдаров олган суратлар

# Бу даргоҳга бежиз интилмайдилар

Атрофга назар солсангиз, ҳар бир жойнинг иқлими, шароити ва ўзига хос муҳити ўша жойнинг ривожланиш йўлини, аини пайтдаги қиёфасини белгилаб беради. Мамлакатимиз касб-ҳунар коллежларидаги йўналишларни кўздан кечирсангиз, ҳар бир коллеж жойлашган ҳудудда шу йўналишларга мос ишлаб чиқариш корхоналари, давлат муассасалари мавжуд эканлигини биласиз.

Жиззах вилоятининг Фаллаборол туманидаги Маржонбулоқ олтин бойитиш фабрикасида бугунги кунда турли мутахассисликлар бўйича фаолият кўрсатаётган ўн тўққиз-йигирма ёшдаги йигит-қизлар шу нуфузли корхонага яқин жойлашган Лалмикор саноат касб-ҳунар коллежини тугатган. Бундан ташқари, ҳудуддаги темир йўл станциялари, фермер хўжаликлари, мактаблар ва турли савдо ташкилотларида ана шундай ёшларни учратиш мумкин. Айрим ёшлар кончилик соҳасида етук мутахассис бўлишни ният қилиб, олий таълим даргоҳларида таҳсил олишмоқда. Ушбу коллежни бўлажак

кончиларнинг бешиги дейиш ҳам мумкин.

Лалмикор саноат касб-ҳунар коллежи 2005 йилда 720 ўринга мўлжаллаб қурилган. Таълим маскани 50 ўринли ётоқхона, 120 ўринли ошхона, 720 ўринли футбол стадиони, спорт зали, ўқув устaxonаси ва ахборот-ресурс марказига эга.

Фан ва касб сирларини ўрганишга доимий иштиёқ билан ўқувчиларни ҳар томонлама тўлиқ жиҳозланган учта фан лабораторияси ва ўқув устaxonасида учратиш мумкин. Тикувчилик цехи 12 та замонавий тикув машинаси билан жиҳозланган, унда ёш ўқувчи-қизлар турли либослар тикишда маҳоратла-

рини оширишмоқда.

Ўқувчиларни ҳар доим ўзига оҳанрабодай тортувчи ахборот-ресурс маркази ёшлар билан гавжум. Чунки бу ерда ўқувчилар ўзи танлаган мутахассислиги бўйича керакли адабиётларни топиб, улардан бемалол фойдаланиши мумкин. АРМнинг умумий фонди 10084 та адабиётдан иборат бўлиб, 5057 таси бадиий адабиёт, 4847 таси дарслик, 26 таси электрон дарслик, 154 таси сиёсий адабиётлардир. Мингга яқин махсус адабиётлар мавжуд бўлиб, улар металлургия, фойдали қазилмалар, тоғ-кон ишлари, геология соҳасига оид. Ўқувчилар бу адабиётларни, албатта, қизиқиш билан ўқийдилар. Чунки Маржонбулоқ олтин бойитиш фабрикасида кимнингдир отаси, кимнингдир яқин қариндоши фаолият кўрсатади. Улар ҳам ана шу касб фойдаларининг изидан бориб, юрт корига ярашни ният қилишган. Соҳага оид адабиётларнинг ранг-баранглиги уларни янада чуқурроқ ўқиб ўрганишга ундайди. «Ер ости

конларидан фойдали қазилмаларни қазиб олиш техниги» ҳамда «Кон ишлари бўйича уста» йўналишларида таҳсил олаётган ўқувчилар соҳага оид билимларини бойитишмоқда.

Бундан ташқари, коллежда «Компьютер графикаси ва мультимедиа тизимлари техниги», «Транспортларда ташиш ва бошқаришни ташкил этиш техниги», «Темир йўл станцияларида хизмат кўрсатиш техниги» каби йўналишлар ҳам мавжуд, уларда таҳсил олаётган ёшларни кўриб, халқ хўжалигининг қайноқ нуқталарини ана шу ёшлар эгаллашига ишонасиз.

— Ўтган ўқув йилида коллежни 342 нафар ўқувчи тамомлади, — дейди коллеж директори Зоҳид Усмонов. — Шундан 303 нафар битирувчининг бандлиги таъминланган. Жумладан, 42 нафар битирувчи Олмалик кон-металлургия комбинати ОАЖга, 151 нафар битирувчи Навоий кон-металлургия комбинати ДҚга, қолганлари эса турли ташкилотларга, фермер хўжаликларида ишга жойлаш-

тирилган. Олти нафари ўз тадбиркорлик фаолиятини бошлаган бўлса, 13 нафар битирувчи олий ўқув юртларига ўқишга кирган. Ўқитувчиларимиз ўз ишига ниҳоятда масъулиятли ва ўта талабчан. Улар орасида Нилуфар Қаҳрамонова, Акбар Хўжаёров, кон ишлари кафедрани мудир Хайрулла Қувондиқов, Саодат Жониқулова, Малика Ботирова кабилар илғор ўқитувчилар сирасига киради. Фаол ўқувчиларимиз ҳам талайгина. Масалан, коллежимиз ўқувчиси Комил Қудратов таэквондо бўйича вилоят биринчилиги голиби. Энди у республика биринчилигида қатнашади. Дилдора Мамарасулова деган ўқитувчимиз география фанидан дарсларни жуда қизиқарли ўтади. Ҳатто у яқинда экологияга оид ихчамгина рисоласини нашрга бериш арафасида.

Ёшлар ўртасида турли ҳуқуқбузарлик ва жиноятларнинг олдини олиш мақсадида туман ИИБ, «Камолот» ЁИХ туман кенгаши, туман прокуратураси ходимлари, ҚФЙ, маҳалла оқсоқоллари иштирокида ўтказиб туриладиган турли давра суҳбатлари ва учрашувлар ўқувчиларда катта таассурот қолдирмоқда.

**Шоди ОТАМУРОД,**  
**«Turkiston» мухбири**

Sog'lom turmushni tanlaymiz

## Ҳаваскорлар ҳам профессионалдек

Фарғона олимпия заҳиралари коллежида Фарғона шаҳридаги олий таълим муассасалари ҳамда маҳалла ёшлари ўртасида волейбол мусобақаси ташкил этилди.



Мусобақада Фарғона давлат университети, Фарғона политехника институти, Тошкент тиббиёт академияси ва Тошкент ахборот технологиялари университетларининг вилоятдаги филиаллари ҳамда маҳалла фуқаролар йиғинлари ёшларидан иборат жамоалар майдонга тушди.

Қизгин беллашувлар сўнгидан биринчи ўринни Фарғона давлат университети, иккинчи ўринни Фарғона политехника институти, учинчи ўринни Тошкент тиббиёт академияси Фарғона филиали жамоаси қўлга киритди.

— Бизнинг жамоа голибликни қўлга киритган бўлса-да, қолган жамоаларда ҳам волейболни яхши ўйнайдиган тенгдошларим кўп экан. Бундай мусобақалар янада кўпроқ бўлишини, унда маҳалла фуқаролар йиғинлари жамоалари ҳам кўпроқ иштирок этишини истардим, — дейди Фарғона давлат университети жамоаси аъзоси Собиржон Тошпўлатов.

Мусобақа иштирокчилари «Камолот» ёшлар ижтимоий ҳаракати Фарғона шаҳар кенгашининг фахрий ёрлик ҳамда қимматбахо совғалари билан тақдирланди.

**Азизбек СУЯРҚУЛОВ,**  
**«Камолот» ЁИХ Фарғона вилояти кенгаши бўлими мудир**



## Бутун дунёда ўрганишади

Буюк соҳибқирон бобомиз Амир Темур шахси, башарият тамаддунига қўшган ҳиссаси ва адолатпарвар сиёсати нафақат юртимизда, балки дунёнинг кўплаб давлатларида тарихчилар томонидан изчил ўрганилиб, тадқиқ қилинган, бу ҳақда юзлаб илмий рисо-лалар, асарлар нашр этилган.

Юртимиз мустақилликка эришгач, Амир Темур ва темурийлар тарихига, улар қолдирган илм-фан, маданият, санъат ва меъморчиликка оид улкан меросни ўрганишга алоҳида эътибор қаратилди. Аввало, улар шахсияти ҳақида билдирилган турли нотўғри гап-сўзлар ва тахминлар мутлақо асоссиз экани илмий жиҳатдан тўла исботланди. Амир Темур бобомизнинг давлат бошқарувидаги ўзига хос тутуми ва ҳарбий маҳоратини мужассам этган ноёб тарихий манба — «Темур тузуқлари» асари нашрга тайёрланиб, кўп минг нусхада нашр этилди.

Амир Темур ва темурийлар тарихи ҳақида ёш авлодга муайян маълумот берувчи манбалар аини пайтда юртимизнинг қадимий шаҳарларидан топилган, шу даврга мансуб осори-атиқалар ва ёзма ёдгорликлардир. Чунончи, Самарқанд ва темурийлар даври обидаларидан бўлмиш Шохрухия қалъаси ёдгор-

лигидан Амир Темур ва темурийлар даврига оид ҳарбий истеҳкомлар, совутлар ва бошқа кўплаб қадимий ашёлар топилган. Бу даврга тааллуқли кўплаб нодир асарлар, тошбосма ва қўлёзма манбалар турли сабабларга кўра, дунёнинг турли мамлакатларидаги кутубхона ва музейларда сақланмоқда. Уларни топиб ўрганиш, тадқиқ қилиш бугунги тарихчиларимиз олдидаги муҳим вазифадир.

Темурийлар даврига оид Шохрухия қалъаси, айниқса, муҳим далилларга бой нодир меъморий иншоотдир. Яқин келажакда мазкур қалъа қўрғонини тиклаб, у ерда илмий экспедициялар олиб бориш, кўплаб қизиқарли илмий маълумотлар тўплаш мумкин. Шунингдек, Шохрухия қалъасининг очик осмон остидаги музей сифатида ташкил этилиши кўплаб сайёҳлик марказлари эътиборини тартади.

Темурийлар тарихи давлат музейи ташкил этилганининг ўн етти йиллиги муносабати билан ўтказилган «Темурийлар даврини ўрганишнинг умумбашарий аҳамияти» мавзудаги илмий-амалий анжуманда шу ва бошқа масалалар хусусида сўз юритилди.

**Мирвали АБДУЛЛАЕВ,**  
**ЎЗР ФА Темурийлар тарихи давлат музейи «Маънавият ва маърифат» бўлими бошлиғи.**  
**Азимжон ҒОҒУРОВ,**  
**музей бош мутахассиси.**

## 8-dekabr — O‘zbekiston Respublikasi Konstitutsiyasi kuni



### Эҳтиётсизлик сабабми ёки?..

Бельгиянинг Зоннебек шаҳридаги автомобиль трассаларидан бирида нақ юзта машина бир вақтнинг ўзида тўқнашиб кетди.

Автофалокат натижасида бир неча километр тирбандлик вужудга келди. Шифокорлар берган маълумотларга кўра, бир киши ҳалок бўлган ва юздан ортиқ одам турли даражада жароҳат олган. Полиция автофалокатга ноқулай об-ҳаво, яъни қуюқ туман ва ёмғир сабаб бўлганини айтмоқда. Об-ҳаво ўз навбатида, шифокорлар ва қутқарувчилар ишига ҳам ҳалақит берапти. Вертолёти учиши тақиқлангани сабабли, қутқарувчиларнинг иши янада қийинлашган. Ҳаво ҳарорати 0 градусдан пастлиги боис, қутқарувчилар биринчи ёрдамни кўрпа ва иссиқ ичимликлар билан кўрсатишмоқда. Пачоқланган автомобиль бўлаклари йиғилляпти, трасса вақтинча ёпилган. Ҳукумат вакилларининг сўзларига кўра, қурбонлар сони ошиши мумкин.

### Тарихий воқеа

Хитой Ойга ўзининг илк луноходини учирди. «Чаньэ-3» космик аппарати ичига Хитойнинг луноходиди жойлаштирилиб, «Сичан» космодромидан ҳавога кўтарилди ва ўтиш орбитасига чиқди.

Декабрь ойининг ўрталарида Ойга қўнадиган «Юйту» («Нефрит куён») луноходининг вазифаси Ойнинг геологик тузилиши ва сатҳини ўрганишдир. Хитой луноходи 2013 йил ноябрь ойида Шанхайда бўлиб ўтган халқаро саноат кўргазмасида намойиш этилган эди. Олти гилдиракли тилларанг қурилма махсус автоном навигация тизими билан таъминланган. Мамлакатнинг Ой дастури «Чаньэ-1» аппарати ёрдамида Ой харитасини чизишдан бошланди. Сўнгра «Чаньэ-2» ўз навбатида «Чаньэ-3» учун мос жой қидирди. Айни пайтда дастурнинг мақсади Ой тупроғини ерга олиб тушишдир.

### Замон талаби

Жорий йил якунига кўра, компьютер бозоридаги савдо кескин тушиб кетмоқда.

Европалик мутахассислар сўзларига кўра, мазкур йилда дунё бўйлаб 314 миллион дона компьютер сотилган. Бу эса компьютер тарихида кузатилган энг паст кўрсаткичдир. Шунингдек, бу пасайиш давом этади ва 2017 йилда компьютерлар савдоси ўртача 305 миллионни ташкил этади. Таҳлилларга кўра, бунга асосий сабаб янги операциялар тизимга талаб ва қизиқишнинг камлигидир. Кундан кун янгилаётган, компьютернинг ўрнини босувчи замонавий қурилмалар ноутбук ва шахсий компьютерларни бозордан сиқиб чиқаради.

### Автоконцерндаги ёнғин

Германиянинг таниқли «Daimler» автоконцернида кимёвий ёнғин чиқди.

Натижада 27 нафар ишчи турли даражада жароҳат олди. Айни пайтда уларнинг икки нафари шифохонада. Кимёвий ёнғин туфайли ишчиларнинг аксарияти томоқдаги ачишишдан азият чекмоқда. Тозалаш ишлари бўлимида чиққан ёнғиннинг аниқ сабаби ҳозирча ошкор этилмапти. Айни пайтда «Daimler» автоконцерни жароҳатланган ишчиларга компенсация тўлашини маълум қилди.

Интернет манбалари асосида  
Жавоҳир КАРОМАТОВ тайёрлади

## Ёш олималар беллашуви

Intellect

Ўзбекистон давлат санъат ва маданият институтида «Илм юлдузлари» интеллектуал кўрик-танловининг республика босқичи бўлиб ўтди.

Ўзбекистон Хотин-қизлар қўмитаси, Олий ва ўрта махсус таълим вазирлиги, Ўзбекистон хотин-қизларининг «Олима» уюшмаси ҳамкорлигида ушбу танлов юртимизда илмий фаолият билан шуғулланётган иқтидорли олималарнинг меҳнатларини рағбатлантириш, уларнинг илмий кашфиётларини юзага чиқариш каби эзгу мақсадларда ташкил этилди. Кўрик-танлов табиий фанлар илмий йўналиши вакиллари ўртасида ўтказилди. Унда вилоятлар, Тошкент шаҳри ва Қорақалпоғистон Республикасидан 25 ёшдан 40 ёшгача бўлган 14 нафар фаол олима иштирок этди.

Олималар учта шарт бўйича беллашдилар. «Куч — билим ва тафак-

курда» деб номланган биринчи шартда қатнашчилар илмий фаолиятлари ҳақидаги видеоларлар намойиши орқали ўзларининг илмий изланишлари билан таништирдилар. «Ёшлар — келажак пойдевори» шартда иштирокчиларнинг назарий билимлари баҳоланиб, давлат сиёсати ва ёшларга оид савол-жавоблар ҳамда «Мен нечун севаман Ўзбекистонни?» номли охирги шарт жараёнида олималар Ўзбекистонга ташриф буюрган чет эллик меҳмонларга ўз худудларининг тарихи, бугуни, миллий қадриятлари, миллий таомлари, урф-одатлари, халқаро майдондаги мавқеи ҳақида инглиз тилида сўзлаб бериш шартлари асосида беллашдилар.

Таниқли олимлар, табиий фанлар йўналиши ва чет тиллар бўйича мутахассислардан иборат ҳайъат аъзолари тадқиқотчи хотин-қизларни билим салоҳиятларига қараб «Олий соврин соҳиби», «Энг моҳир миллий қадриятлар тарғиботчиси», «Томо-

шабин эътиборига тушган иштирокчи» номинациялари бўйича тақдирладилар. Андижон давлат тиббиёт институти магистри Умида Фаниева кўрик-танлов ғолиби деб топилди. Иккинчи ўринга қашқадарёлик Хуршида Холиқова, учинчи ўринга тошкентлик ёш олима Сайёра Саидова муносиб кўрилди.

— Бу танловнинг ҳар бир босқичига алоҳида иштиёқ билан тайёрлангандим. Кўрик-танлов ғолиби бўлганлигим илмий изланишларимга илҳом ва завқ беради, албатта. Барча соҳаларда бўлгани каби илм-фанда ҳам Ўзбекистон аёлларини ҳамиша олдинги сафларда кўргим келади, — дейди танлов ғолиби, ёш олима Умида Фаниева.

Танлов ғолиблари сертификат ва эсдалик совғалар билан тақдирланди. Таниқли ёш ижрочиларнинг куй-қўшиқлари тадбирга кўтаринкилик ва файз улашди.

Майсара НАЗАРОВА,  
«Turkiston» мухбири

## Ҳушёр бўлинг, хотиржам бўласиз!

Yong'in xavfsizligi oyligi



Мамлакатимиз худудида сўнгги йилларда янги-янги корхоналар, завод, фабрикалар қурилиб ишга туширилди. Иқтисодиётимизнинг ана шундай йирик корхоналаридан бири — «General Motors Powertrain Uzbekistan» ЁАЖ автомобилсозликнинг асосий бўғинларидан ҳисобланади.

Мазкур корхонада ёнғин хавфсизлиги ҳолатини таъминлаш мақсадида ҳарбийлаштирилган ёнғин хавфсизлиги қисми, республикамиз ва хорижда ишлаб чиқарилган энг сўнгги русумдаги ёнғин ўчириш воситалари, ёнғиндан автоматик хабар берувчи ва ёнғинни ўчирувчи тизимлар ўрнатилган. Ёнғин хавф-

сизлиги қисми «MAN CLA 16.220» шассисидаги янги русумдаги махсус ёнғин ўчириш автомобили билан таъминланган.

Маълумки, жорий йилнинг 28 мартда Вазирлар Маҳкамасининг «Кўнгилли ёнғиндан сақлаш хизмати» бўлинмаларини ташкил этиш ва уларнинг фаолият юритиш тартиби ҳақида, идоравий ва

кўнгилли ёнғиндан сақлаш хизмати бўлинмаларини ҳисобга олиш, рўйхатдан ўтказишни амалга ошириш тартиби ҳақида ва ёнғин ўчириш дружиналари, ёнғин техник комиссиялари тўғрисидаги Низомлари тасдиқланди. Унга асосан, «General Motors Powertrain Uzbekistan» ЁАЖда ҳам кўнгилли ёнғин ўчириш дружинаси, ёнғин техник комиссиялари ўз фаолиятларини олиб боришмоқда. Корхонада

фаолият олиб бораётган 23-ҳарбийлаштирилган ёнғин хавфсизлиги қисми шахсий таркиби ходимлари кўнгилли ёнғин ўчириш дружинаси ва ёнғин техник комиссияларига яқиндан ёрдам беришмоқда. Ҳамкорликдаги амалий ишларнинг натижаси ягона мақсадга хизмат қилади.

Дилшод ЖАББОРОВ,  
Тошкент вилояти  
ИИБ ЁХБ 23-ҲЕҲҚ  
инспектори, сержант



Ўзбекистон Республикаси Конституцияси куни арафасида пойтахтимиздаги «Туркiston» санъат саройида Ватанимиз тараққиётига муносиб хисса қўшаётган йигит-қизларга орден, медаль, фахрий унвонлар ва «Ўзбекистон белгиси» кўкрак нишонини тантанали топшириш маросими бўлиб ўтди.

**СУРАТДА:** (чапдан) «Ўзбекистон белгиси» кўкрак нишони совриндорлари, киноактриса Зарина Низомиддинова ва хонанда Рухшона Маҳмудова.

Ёлқин ШАМСИДДИНОВ (ЎЗА) олган сурат

## Ижодий парвозга шайланганлар

Сирдарё вилоят «Баркамол авлод» болалар ижодиёти марказида расмлар кўргазмаси ҳамда «Жаҳолатга қарши маърифат» номли бадий ва ижодий ишлар танловининг вилоят босқичи бўлиб ўтди.

Иқтидорли ва ижодкор ёшларни рағбатлантириш, уларнинг қобилиятини тўғри йўналтиришга қаратилган мазкур танлов «Камолот» ёшлар ижтимоий ҳаракати ва Гулистон шаҳридаги 1-болалар мусиқа ва санъат мактаби ҳамкорлигида ўтказилди. Танлов иштирокчилари иншо, шеър, тасвирий санъат йўналишлари бўйича ўз маҳоратларини намойиш этди. Ҳакамлар ҳайъатининг яку-

ний хулосасига кўра, иншо йўналиши бўйича Малика Турлибоева, шеърят бўйича Иброҳим Мавлонов, тасвирий санъат бўйича Суннат Мусурмонқуловнинг ижодий ишлари биринчи ўринга муносиб деб топилди. Энди улар мазкур танловнинг республика босқичида иштирок этишади.

Шоҳсанам ҚАЮМОВА,  
Сирдарё вилояти



Yosh iste'dodlar

Алп, мард	→						Совуқ чой					
Тропик ковун		Хақиқий нусха		Ўғил бола исми		Силлиқ бўз	Гул идиши	Тахликали авзо				Ҳарбий унвон
				Франция ф/ж		Куда...						Гўштсиз суяк
... аждод, зурриёд	Сибизга	Йирик, катта	→					Сарф, харажат	йўқнинг юзи йўқ	→		
					Ўғит, панд	→						
Ачинарли, мудҳиш		Унвон (Англия)	→					...-пал	Захарли курбақа	→		
Бир хил, ухшаш	→					Олим номи	→					

## Ирода ва матонат уйғунлиги

Ўзбекистон терма жамоаси вакили Оксана Чусовитина спорт гимнастикаси бўйича Мексикада ўтказилган очиқ чемпионатда юртимиз шарафини муносиб ҳимоя қилди.

Ҳамюртимиз япониялик Кожи Уематсу билан шерикликда олтин медалга сазовор бўлган бўлса, кўпкурашда бронза медални қўлга киритди. Мусобақада ўн бир мамлакат спортчилари иштирок этди. Аини пайтда Оксана Чусовитина Ўзбекистонда хизмат кўрсатган спорт устаси, Олимпиада чемпиони ва олти карра Олимпия уйинлари иштирокчисидир.

## Полвонимиз муваффақияти

Россияда эркин кураш бўйича уч карра олимпия уйинлари голиби Бувайсар Сайтиев шарафига ўтказилган турнирда ҳамюртимиз Фуломжон Абдуллаев голиб бўлди.

Финалда спортчимиз 46 килограмм вазн тоифасида россиялик Разамбек Жамаловни мағлуб этди ва олтин медални қўлга киритди. Мусобақада Россия, Эрон, Қозоғистон, Озарбойжон, Қирғизистон, Мўғулистон, Тожикистон, Германия ва Бельгиядан спортчилар иштирок этди.

Жавоҳир КАРОМАТОВ,  
«Turkiston» муҳбири

Виласини?

### ОВОЗИНГИЗ НЕЧА ДЕЦИБЕЛ?

Инсон гапирганда, машиналар юрганда неча децибел товуш чиқаради? Баланд товушнинг ҳам инсон саломатлигига салбий таъсири борми?

Мутахассисларнинг аниқлашларича, барглар тўкилаётганда 20, инсон пичирлаганда 20-30, мотоцикл юрганда 70-80, реактив самолёт учганда 120-150 децибел товуш таралади. Техникалар ичида энг баланд шовқин чиқарадигани космик кемалар — 150-190 децибел.

Шуни ҳам айтиб ўтиш керак, 75 децибелдан юқори товушлар инсон соғлиғи учун хатарли экани исботланган.

### «ТОҒНИ КЎРАЯПМАН!»

Кўпчилик Уругвай давлати пойтахти Монтевидеонинг номланиши «видео» сўзи билан боғлиқ эканини билади. Лекин унинг бугун бизга маълум бўлган видеоаппаратларга алоқаси йўқ.

XVI асрда Европадан борган денгизчи-саёҳатчилардан бири қирғоққа яқин қолганда тоғни кўриб қолиб: «Монте виде зу!» деб қичқиради. Бу испан тилидан ўгирганда «Мен тоғларни кўраяпман», дегани. Денгизчи ўшанда Уругвайдаги Сиерра тоғни кўрган. Кейинчалик тоққа яқин жойда бунёд бўлган шаҳар номи Монтевидео деб аталган.

Шаҳзод АБРАХМАТОВ тайёрлади

### YON DAFTAR CHANGIZGA

Терак томирига таянар,  
Одам — туғишганларига.

Ўзбек халқ мақоли